

ՄԵՐ ՀԱՅՐԵՐՈՒՆ ԽՐԱՏՆԵՐԸ

ՄԻ ԴԱՏԵՔ, ՈՐՊԵՍՁԻ ՉՂԱՏՈՒԹ

Եղբայրներ մի՛ բամբաստե՛ գիրար: Ան, որ իր եղբայրը կը բամբաստէ կամ իր եղբայրը կը դատէ, օրէնքը բամբասած եւ դատած կ'ըլլայ, ապա երբ օրէնքը դատես, ալ դուն օրէնքը կատարող չես, հապա դատաւոր: Միայն մէկ Օրէնսդիր եւ դատաւոր կայ, որ կրնայ փրկել եւ կորսնցնել: Դուն ո՞վ ես, որ ընկերդ կը դատես (Յակոբ. 3. 17-4.12):


Եղբայրներ, սթափին՛ք մեր խելագարութենէն եւ ոտէ՛ մէկը անիրաւարար չդատեն՛ք, ոչ ալ իրաւունքով՝ անողորմաբար, որպէսզի չըլլայ թէ անողորմներու դատաստանը ընդունին՛ք:

Եթէ մեղաւոր ու վիրաւոր է ան, որ կը դատես անով իսկ ողորմութեանդ եւ արցունքնուդ արժանի է եւ ոչ թէ դատապարտութեանդ: Կարեկից եւ ցաւակից պէտք է ըլլայ այնպիսիին եւ ոչ թէ բամբասող: Իսկ եթէ արդար եւ անարատ է դատածդ, պէտք է աւելի վախճալ եւ դողալ անկէ, որովհետեւ ան դատաստանէ եւ բամբասանքէ ազատ ըլլալով, նախանձի կամ չար աչքի պատճառաւ գայն իբրեւ յանցաւոր կը դատես եւ ի լուր ամէնուն գայն իբրեւ մեղաւոր կը բամբասես եւ սուտով կ'արատաւորես անոր արդար ու բարի անունը:

Չե՞ս գիտեր այն, թէ ինչ չափով որ անոր յանցանքները դատես, նոյն չափով դուն ինքդ պիտի չափուիս Դատաւորէն (Տե՛ս Մատթէոս 7.1), որովհետեւ այն մեղքերը, որոնցմով արդարը ստութեամբ կը բամբասես, ըլլայ շնութեան կամ այլ ծանր ու թեթեւ խօսքերով, անոր դատաստանը դուն ինքդ պիտի կրես:

ԾԻՍԱԿԱՆ ԳԻՏԵԼԻՔՆԵՐ

ՀԱՅՅ. ԱՌԱՔԵԼԱԿԱՆ ԵԿԵՂԵՑԻՈՅ Ս. ՊԱՏԱՐԱԳ



ՊԼՏՊԼՂԻ ԽՈՐՀՈՐԴԻՆ ՀԱՍՏԱՏՈՒՄ

Յովնան Մանդակունի Հայրապետ հետեւեալ բառերով կը ներկայացնէ մեծ եւ սքանչելի Խորհուրդը հաւատացեալներուն.-


« Այսուհետեւ լոկ հաց մի՛ նայիր անոր, եւ ոչ ալ որպէս գինի նկատի ունեցիր կամ ընդունիր գայն, որովհետեւ Ս. խորհուրդին ապահովութիւնը թէւ անտեսանելի է, սակայն անոր զօրութիւնը իմանալի է եւ զգալի:

Մենք ճշմարիտ հաւատքով Քրիստոսն է, որ կ'ընդունինք Ս. Մեղանին վրայ, Անոր է, որ կը մօտենանք, Չայն կը տեսնենք, կը շօշափենք, կը համբուրենք, կը ճաշակենք՝ գայն ընդունելով մեր ներսիդին ե՛նձ կը դառնանք մարմինը, անդամներն ու որդիները Աստուծոյ» (Ճառք, էջ 168)...

Շարունակելի



ԱԶԳԱՅԻՆ ԱՌԱՋՆՈՐԴԱՐԱՆ ԼԻՔԱՆԱՆԻ



ՔՈՒ ԽՕՍՔԻ ԽՄ ՈՏՔԵՐՈՒՄ ԵՐԱԳ Է ՈՒ ԽՄ ՇԱԽԴՆԵՐՈՒՄ ԼՈՅՍ (ՍՂ.119.105)

ՃԷ. ՏԱՐԻ ԿԻՐԱԿԻ, 18 ՓԵՏՐՈՒԱՐ 2024 ԹԻՒ 7

ԿԻՐԱԿԻ ՕՐԵՐՈՒ ԱՍՏՈՒԿԱՆՉԱԿԱՆ ԸՆԹԵՐՅՈՒՄՆԵՐ
Ես. 33.2-22: Հռ. 12.1-13.10: Ստ. 5.17-48

ՅԻՍՈՒ ՔՐԻՍՏՈՍԻ ԱԷՏԱՐԱՆԸ ԸՍՏ ՍԱՏՅՈՒՄ 5. 17-48

Մի՛ կարծեք, թէ եկայ Մովսէսի Օրէնքը կամ մարգարէներու ուսուցումները ջնջելու: Չեկայ ջնջելու, այլ՝ ամբողջացնելու: Հաստատ գիտցէ՛ք, որ բոլոր Օրէնքն ու մարգարէութիւնը կէտ առ կէտ պիտի իրականանան՝ առանց բառ մը իսկ դուրս ձգելու, մինչեւ գայ այն օրը, երբ այս երկինքն ու երկիրը պիտի անցնին: Ով որ ամենափոքր պատուիրանն իսկ զանց ընէ եւ ուրիշներուն ալ պատուիրէ նոյնը կատարել, երկինքի արքայութեան մէջ յետինը պիտի նկատուի: Իսկ ով, որ գործադրէ պատուիրանները եւ նոյնը ուսուցանէ, մեծ պիտի ըլլայ երկինքի արքայութեան մէջ: Կ'ըսեմ ձեզի, երկինքի արքայութենէն ներս կրնաք մտնել այն ատեն միայն, երբ Աստուծոյ պատուիրաններուն նկատմամբ ձեր հաւատարմութիւնը փարիսէցիներուն եւ օրէնքի ուսուցիչներուն ունեցած հաւատարմութենէն աւելի ըլլայ:

Լսեր էք, որ անցեալին ըսուած է. «Մի՛ սպաններ, որովհետեւ ան որ կը սպաննէ, պիտի դատապարտուի»: Իսկ ես կ'ըսեմ ձեզի. Ով որ առանց պատճառի իր եղբոր դէմ բարկանայ, պիտի դատապարտուի: Ով որ իր եղբայրը յիմար կոչէ, դարձեալ ատեան պիտի բերուի. կամ, ան որ իր եղբայրը անմիտ կոչէ, Գեհենի կրակին պիտի դատապարտուի: Եթէ զոհի սեղանին վրայ ընծադ Աստուծոյ մատուցանելու ատեն յիշես, որ եղբայրդ վշտացած է քեզմէ, ձգէ՛ ընծադ սեղանին առջեւ, զնա՛ նախ հաշտուէ՛ եղբորդ հետ եւ ապա եկու՛ր եւ ընծադ Աստուծոյ մատուցանէ:

Երբ մէկը խնդիր ունի քեզի հետ եւ դատի կը կանչէ քեզ, սկիզբէն համաձայնութեան եկուր անոր հետ, երբ տակաւին ժամանակ ունիս, այլապէս՝ քեզ դատաւորին կը յանձնէ, դատաւորն ալ՝ ոստիկանին եւ բանտ կը նետուիս: Վստահ եղի՛ր, թէ բանտէն պիտի չելլես մինչեւ որ տուգանքիդ վերջին դահեկանը չվճարես:

Լսեր էք, որ ըսուած է. «Մի՛ շնար»: Իսկ ես կ'ըսեմ ձեզի, թէ ով որ ցանկութեամբ նայի ոտէ կնոջ, արդէն իսկ իր սիրտին մէջ շնութիւն ըրած կ'ըլլայ անոր հետ: Եթէ աջ աչքդ քեզ կը գայթակղեցնէ, հանէ՛ եւ նետէ՛ գայն, որովհետեւ նախընտրելի է՝ որ անդամներդ մէկը կորսնցնես քան ամբողջ մարմինով դժոխք նետուիս: *Ըսուած է նաեւ. «Ով, որ իր կիներ կ'արձակէ, անոր արձակման թուղթ թող տայ»:* Իսկ ես կ'ըսեմ ձեզի. Ան, որ առանց պողոնկութեան պատճառի իր կիներ կ'արձակէ, ինք պատճառ կը դառնայ անոր շնութիւն ընելուն: Նոյնպէս, շնութիւն ըրած կ'ըլլայ ան, որ կ'ամուսնանայ արձակուած կնոջ հետ:

ՃՐԱԳ ՇԱՐԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻՔԱՆԱՆԻ - Bourj-Hammoud, P.O.Box 80810 -Tel/Fax:01-258300- facebook-ի էջ Jerak Ճրագ քերք
ՃՐԱԳ-ը կը պատրաստէ՛ Սարգիս Ա. Քինյ. Սարգիսեան

ՍՈՒՐԲԵՐ ԵՒ ՏՕՆԵՐ

ԹԵՈՂՈՐՈՍ ԶՕՐԱՎԱՐ



Ամասիոյ Սարու գիւղէն՝ բարեպաշտ ծնողքի զաւակ: Կը պատկանէր Մաքսիմիանոսի օրով զինուորներու այն կարգին, որ կը կոչուէր դիւռն, այսինքն «նորամուտ»: Ճամբորդած միջոցին օր մը հանդիպեցաւ ահագին վիշապի մը, զոր սպաննեց նիզակով եւ հաւատքով: Յետոյ, երբ յայտնուեցաւ քրիստոնէութիւնը, քննութեան կանչուեցաւ, համարձակ խոստովանեցաւ ստուգութիւնը, եւ բացի այդ, գիշեր ատեն կրակի տուաւ մեծագոյն աստուածուհի Ռէայի մեհեանը: Այս պատճառաւ սաստիկ քանակոծուելէ վերջ բանտ նետուեցաւ, ուր երկնային տեսիլքի մխիթարութիւնն ունեցաւ: Կրկին հարցաքննութենէ վերջ այրեցին սուրբը 306-ին: Նշխարները ամփոփեց Եւսեբիա անունով տիկին մը իր տան մէջ, որ յետոյ եկեղեցիի վերածուեցաւ:

Հայ Եկեղեցոյ տօնացոյցին համաձայն Թեոդորոս Զօրավարին տօնը կը զուգադիպի Շաբաթ, 17 Փետրուար, 2024-ին: Բարի անուանակոչութիւն Թեոդորոս անուն ունեցողներուն:

Պահեցողութիւնը պարտաւորիչ հրահանգ է հաւատացեալներուն համար

Ոչ: Պահեցողութիւնը պարտաւորիչ հրահանգ մը չէ, այլ՝ յանձնարարելի կանոն: Պահեցողութիւնը պէտք է ըլլայ ինքնաբոխ նուիրում մը, կամաւոր զոհողութիւն մը ենթակային կողմէ՝ առ Աստուած:

Եկեղեցին պահքի օրեր հաստատած է ժողովուրդը ուղղելու, չափաւորութեան եւ ժուժկալութեան վարժեցընելով՝ Աստուծոյ մօտեցնելու համար: Պահքը թէւ պարտաւորիչ չէ սկզբունքով, սակայն եկեղեցոյ վերին իշխանութիւնը հարկ եղած պարագային իր ժողովուրդը որկրամտութեան ախտէն եւ կերուխումներուն յառաջացուցած մեղքերէն ձերբազատելու համար՝ իրաւասութիւն ունի պահքի օրեր հաստատելու եւ անոնց գործադրութիւնը հետապնդելու: Այդպիսի պարագաներուն, հաւատացեալ ժողովուրդին պարտակաւորութիւնն է հնազանդիլ իր առաջնորդներուն եւ կատարել անոնց թելադրանքները յօժարակամ սրտով:

Պահքի համար սահմանուած են շաբթուան երկու օրերը՝ Չորեքշաբթի եւ Ուրբաթ: Չորեքշաբթին յիշել կուտայ Քրիստոսի մատնութիւնը, իսկ Ուրբաթ օրը՝ յիշատակութիւնն է Քրիստոսի չարչարանքներուն:

Բարի պահեցողութիւն կը մաղթենք բոլորին Աստուած ընդունի ձեր պահեցողութիւնը եւ զօրացնէ ձեզ հաւատքով:

Հ Ո Չ Ե Ւ Ո Ր Պ Ա Տ Գ Ա Ս

ՄԱՐԴԸ ԿՐՆԱՅ ՄԵՉ ՓՈՐՁԵԼ

Մարդոց կողմէ եկած կամ նիւթաւ փորձութիւնները առ հասարակ նախանձի եւ ատելութեան արդիւնք են: Անոնք, որոնք կը յայտարարեն, թէ իրենք կը փորձեն իրենց նմանները գիտնալու համար անոնց հաւատարմութեան աստիճանաչափը՝ անոնք գիտակից ստախօսներ են: Հաւատք մի՛ ընծայէք անոնց: Անոնց մարդասիրութեան դիմակին տակ մարդատեցութիւնն է, որ կը սնուցուի: Աստուած երբեք կոչում կամ պարտականութիւն չէ տուած մարդուն փորձելու իր նմանին հաւատարմութիւնը: Ասիկա ընելը Աստուծոյ իրաւասութեան սահմաններէն ներս կ'իյնայ: Մարդոց կոչումը իրարու զօրավիգ կանգնիլն է փորձութիւններու ընթացքին եւ ո՛չ թէ իրար փորձելը:

ԱՍՏՈՒՎԾԱՅՈՒՆԶԸ

«Երբ բանաս սուրբ Աւետարանը ընթերցելու համար յիշէ, որ ան է, որ պիտի որոշէ քու յաւիտենական վիճակդ: Անով է, որ պիտի դատուիս: Այստեղ անոր նկատմամբ մեր ունեցած վերաբերմունքին համեմատ պիտի հատուցուի մեզի կա՛մ յաւիտենական երանութիւն, եւ կա՛մ յաւիտենական պատիժ»:

(Իգնատի Բրեանչանինով)

ԵԹԷ ԿԱՍ ԵՐԲ Կ՛ՈՒԶԵՍ...

ԵՐԲ ՇԻՄԱՆՊՈՒԹԵԱՆԳ ԲԺՇԿՈՒԹԻՒՆ Կ՛ՈՒՅԵՍ ՀԱՅՅԵԼ, ԿԱՐԴԱ՛ Սաղմոս 6

ՏԵՐ, գայրոյթիդ մէջ մի՛ յանդիմաներ զիս, բարկութեանդ մէջ մի՛ պատժեր զիս:

Ողորմէ՛ ինձի ՏԵՐ, տկար եմ ես: Բժշկէ՛ զիս, որովհետեւ մինչեւ ոսկորներս կը դողամ:

Հոգիս ծանր խռովքի մէջ է: Մինչեւ ե՞րբ, ՏԵՐ:

Դարձի՛ր, ՏԵՐ, եւ փրկէ՛ զիս: Ազատէ՛ զիս մահուրէն, որովհետեւ ողորմած ես:

Որովհետեւ մահուան մէջ ո՞վ պիտի յիշէ քեզ, անդրաշխարհին մէջ ո՞վ շնորհակալութիւն պիտի յայտնէ քեզի:

Հեծեծելէն յոգնեցայ, ամէն գիշեր ես լացով լուացի իմ մահիճս եւ իմ արցունքներովս թրջեցի անկողինս:

Աչքս մաշեցաւ ողբալէն, տկարացաւ նեղութիւններէս:

Հեռացէ՛ք ինձմէ դուք բոլորդ, որ անիրաւութիւն կը գործէք, որովհետեւ ՏԵՐԸ լսեց իմ աղօթքս եւ խնդրանքս ընդունեց:

Թող ամչնան ու սարսափի մատնուին բոլոր թշնամիներս, ամօթով մնան եւ իսկոյն հեռանան:

ՊԱՆԿՅՈՂՈՒԹԻՒՆ

Ճշմարիտ պահեցողը ան է, որ ինքզինք հեռու կը պահէ ամէն տեսակի անամբրութենէ եւ դէմ կը դնէ իր լեզուին եւ անկէ բխող զորպարտողական ու դատապարտողական ամէն տեսակի խօսքերու:

(Եփրեմ Խուրի Ստրի)